

Stimm*Raum корматаллаш гүчүйохуш ю

Лераме йижарий&вежарий,

Оха д1айолош ю **Stimm*Raum** ц1е йолуш керла проект. Австрехь цкъя а хилла яц цу кепара нохчийн кегирхошна а, церан доьзалшна а лерина проект.

Х1унда ю иза иштта башха? **Цкъя делахь**, даима а вуочу аг1ор хаамийн г1ирсашкахь бийцаре беш болу нохчийн кегирхой церан уггаре а хазчу аматехь – церан корматаллашкахула а, церан пох1мехула а - гайта 1алашо ю тхан. Цундела оха тайп-тайпана исбаьхьаллин кепашца болх бийр бу кегирхошца. Масала, царна дийцарш а, байташ а, муьлха а кхин литературан йозанаш яздар 1ама а деш, я нагахь санна уьш шаьш литература язъеш беллахь, царна и шайн йозанаш зорбане даккха г1о а деш. Иза тхан проектан Schreibwerkstatt ц1е йолу дакъя ду. Цигахь дакъялаца яздархо хила ца оьшу, яздарца интерес хилчахьана тоьуш ду. Кхин д1а дерг оха 1амор ду. Проект чекхйолучу хенахь кегирхоша яздина долу йозанаш леринчу киншки т1ехь арахоьцур ду оха. Хазахир дац нохчийн кегирхоша шаьш язйина киншка ара а хецца?

Шозлаг1а дакъя сарташ даха а, сарташ дакха а 1амош хир ю. Нагахь санна нохчийн кегирхой фотографица я исбаьхьаллин сарташ дахкарца гергарло долуш беллахь, я и х1ума шайна 1амон лууш беллахь, оха царна г1о дийр ду иза 1амон. Ткъя проект чекхйаьлча оха цара давхна я дехкина долу сарташ леринчу гайтамехь (выставкехь) гойтур ду.

Тхан проектан кхозлаг1а дакъя кегирхошна шайн озаца болх бан 1амош ду. Нагахь санна кегирхой шайн аз тодан я шайн озана доладан лаахь, лерина аьзнаш болх бечу профессионалаша царна г1о дийр ду, и х1ума карадерзон. **Х1унда оьшу кегирхошна шайн озаца болх бан 1амар?** Хууш ма-хиллара, муьлха а стрессан хьолехь вайн аьзнаш дега долало я вайна ца луучу аг1ор дека долало. Цо т1аккха гойту, вай стрессехь дуйла я вай вешан ницкях а, вай нийса хиларх а шек дуйла. Я, масала, нагахь санна кегирхойх цхьаь диктор болх бан лууш велахь я, масала, шен подкасташ ян лууш велахь, т1аккха а пайдехьа хир ду цунна проектехь дакъя а лавьцна, шен аз лелон 1амийча.

Тхан проектан **деалг1а дакъя** тхьоьца цигахь дакъялоцу кегирхойн доьзалшна г1о дарах лаьтташ хир ду. **Стенна т1ехь г1о дийр ду оха доьзалшна?** Муьлхачу а социалан белхашца доьзначу хеттаршна т1ехь. Масала, луучарна болх лахарца. Я берашца кхетам кхиоран белхаш дарца. Я чохь 1ен петар (квартира) оьшуш хьал делахь, иза лохуш г1о дийр ду. Я иштта кхинйолчу шун проблемашна т1ехь г1о-накьосталла дийр ду, социалан белхалочо (Betreuer_in) деш ма-хиллара.

Кхин цхьаь башхалла ю тхан проектан. Тхьоьца болх беш йолчу психотерапевто оьшучарна консультаиш (Beratung, Begleitung) йийр ду. Нагахь санна, проектан декъахь болчу кегирхошна я церан дай-наношна, я йиша-вешина психологийн г1о оьшуш хилахь, тхан аьтто бу шуна цу т1ехь г1о-накьосталла дан а, психологца шун цхьаьнакхетарш хилийта а.

Маца йолалур йолуш ю и проект? Тхо цкъячунна декъашхой вовшаштухуш ду. Ткъя кегирхошца болу болх оха **август** бутт бовш, **сентябрь** бутт болалуш д1айолор ю.

Маса стаг хир ву проектхь дакъалоцуш? Ши тоба хир ю тхан, 15 шарера 27 шаре кхаччалца хенаш йолчу кегирхойх лаьтташ. Цу шинна тобанчоьхь 12 стаг бен хир вац. Меттигаш, шуна маггарра, к1еззиг бен яц. Жимахберш цхьана тобанахь хир бу, баккхийха берш вукху тобанахь.

Тхо муьлш ду? Мила хир ву нохчийн кегирхошца болх беш? Тхоч х1ора а тхайн белхашкахь профессионалаш а ду, кегирхошца дуккхь шерашкахь белхаш бина нах ду тхо. Тхуна юккъехь журналисташ а, яздархой а, фотографаш а, психологаш а, социалан белхалой а бу. Нохчийн а, кхечу къомах а нах ду тхо.

Мел еха хир ю проект? Берриге а болх 9 баттана лерина бу, **июль** баттера **март** батте кхаччалца. Амма кегирхой цу массо а 9 баттахь дакъалоцуш хила безар бац. **Уьш сентябрера декабре** кхаччалца к1иранах 1-2 вовшахкхетар бу. Хенаш оха т1аьхьа йовзийтар ю. Ткъа кхин д1а йолчу хенахь проектана кечамаш беш а, кегирхоша яздинарг зорбане даккха кечдеш а, цара даьхначу сарташца белхаш беш а д1ахьур ю оха, белхалоша.

Проект д1ахьош ерг **Soziale Initiative Gemeinnützige GmbH** ц1е йолу цхьаьнакхетаралла ю.

Проектхь дакъалоцуш цхьа а **мах бала ца беца**. Тхайн аг1ор, проект чекхийаьлча кегирхошна тхайгара совг1аташ дийр ду оха, цара шайн кхолларалла гайтарна а, оха цхьаьна хаза хан яккхарна а царна баркалла олуш.

Х1унда ю Stimm*Raum проект иштта башха а, нохчийн кегирхошна мехала а? Оха цу проектаца нохчийн кегирхойн аьтто бо, шайн потенциал а, шайн корматалла а, шайн пох1ма а массарна а д1агайта. Литературица, сарташца, аьзнашца, доцца аьлча исбаьхьаллица (искусствоца) церан йиш хир ю, цу проекто г1о а деш, шаьш вуно кормате а, хьуьнарш долуш а хилар гайта. Улলেখь г1о деш професоналаш ца хилча хала ду талант йолчу кегийчу нахана, масала, шаьш язйина долу дийцар я байт зорбане яккха (опубликовать) я, масала, шаьш диллина долу я шаьш даьккхина долу исбаьхьа сурт массарна а гайтамехь (выставкехь) д1агайта. Ткъа оха царна иза муха дан йиш ю гойтур а ду, 1амор а ду.

Интерес кхоллаеллий шун? Т1аккха тхьоца з1ене довла:

Сабине Кершбаум. Тел.: 0676 841 314 507

Майнат Курбанова Тел.: 0676 841 314 685